



SORTZAILEAK:TWITTER

SORTZAILEAK: TWITTER

Ikusiker Panela osatzen duten UPV/EHUko eta UPNAko ikasleei sare sozialetan sortzen dituzten edukiei buruz galdetu diegu, zehazki Twitterren sortzen dizutenei buruz. Txosten honetan datu horiek jasotzen dira.

1. Ohar metodologikoak


Azterketa-lan hau egin den unean, Euskal Herriko Unibertsitateko (UPV/EHU) eta Nafarroako Unibertsitate Publikoko (UPNA) mila ikasletik gorak osatzen dute Ikusiker Panela. Unibertsitari hauek modu iraunkorren eta maiztasun handiz erantzuten dituzte luzatzen zaizkien online galdera-sortak, beti ere ikus-entzunezkoen kontsumoei eta IKTen (Informazio eta Komunikazio Teknologiak) erabilerei buruzkoak. Panela 2018-2019 ikasturtean sortu zen Applika izeneko ikerketa-proiektuaren barruan (US17/40). UPV/EHUko NOR ikerketa-taldeak eta EITBk abiatutako proiektuan unibertsitateko ikasketa desberdinetako eta hiru kanpusetako ikasleak biltzen ditu panelak.

Txosten honetan aurkitzen dira 2021eko maiatzaren 3tik 8ra bitartean luzatutako galdera-sortaren emaitzak. Jasotzen duen informazioa gazteek Twitterren sortzeko duten ohiturei buruzkoa da. Inkesta honen emaitzak ustiatzerakoan, 858 erantzun baliozko hartu dira kontuan (inkestaren amaierara iritsitakoak eta errepikatu gabeak).

2. TWITTER

Inkestatuen ia bi herenek Twitterreko kontua dauka, zehazki % 64,5ek, 740 pertsonen zenbaki absolutuan.


1. Irudia – Baduzu Twitterreko konturik?



Iturria: Ikusiker Applika +

Kontuen erdiak baino gehiago publikoak dira, % 54,2 zehazki. Era berean, % 10,6k ez du gogoratzen edo ez daki nolakoa den bere kontua.


2. Irudia – Zure kontua publikoa ala pribatua da?



Iturria: Ikusiker Applika +

Sare sozial honetan, jarduerarik ohikoenak “besteen txioak irakurri” eta “Twitter erabili orokorrean” dira; elkarrekintzari lotutako bi jarduera nagusiak “besteen txioetan bihotzari eman” eta “besteen txioak birtxiokatu” dira.


3. Irudia – Twitterren eduki eta erabiltzaileekin interakzioak izateko moduak zein maiztasunarekin egiten diren?



Iturria: Ikusiker Aplikari +

Twitterrera igo ohi diren edukiak inprobisatu egin ohi dira: edukiren bat sortzen duten pertsonen artean, ia erdiek (% 46,1ek) dio momentuan bururatutako edukiak sortu eta igotzen dituela, eta beste % 17,2k momentuan bizitzen ari dena edo gertatzen ari zaiona igotzen du. Aurretik pentsatutako edukiak % 10,8k igotzen ditu, eta galerian gordetako edukiak igotzeko ohitura % 6,0k du. Beste erabiltzaileek sortutako edukiak igo edo konpartitzen dituztenak % 14,2 dira, eta zehazki lagunenak konpartitzen dituztenak % 2,2.


4. Irudia – Adierazi Twitterrera igotzen dituzun edukiak nola sortzen dituzun NAGUSIKI



Iturria: Ikusiker Applika +

Twitterrera igotzea gogoko diren ohiko edukien artean, nabarmentzekoak dira eduki barregarriak (sortzaileen artean % 34,8k aukeratuak), egunerokoan gertatzen zaizkien gauzen edukiak (% 24,5ek aukeratuak), eta argazki artistiko eta estetikoak (% 13,0k aipatuak). Besteen kasuan, inkestatuen % 10ek ere ez ditu aukeratu.


5. Irudia – Zeintzuk dira Twitterrera igotzea gogokoen dituzun argazki, bideo eta edukiak? Bakarra aukeratu.



Iturria: Ikusiker Applika +

Hizkuntzari dagokionez, sortzaileen artean bi heren baino gehiagok sortzen dituzten edukietan gaztelania da nagusi: % 68,4ak hain zuzen. Horietatik % 36,8k beti gaztelaniaz sortzen ditu edukiak eta % 31,6k gaztelaniaz gehiago euskaraz baino. Segidan, euskara eta gaztelania ez den beste hizkuntzaren batean sortzen dituzte normalean edukiak inkestatuak % 9,2k. % 8,4k kopuru antzekotan sortzen ditu euskaraz eta gaztelaniaz, eta azkenik, % 14,0ren kasuan da nagusi euskara beren Twitterreko sorkuntzan: % 7,6k euskaraz gaztelaniaz baino gehiago sortzen du eta % 6,4k beti euskaraz.

6. Irudia – Hizkuntza aldetik, zenbateko pisua du euskarak Twitterren sortzen dituzun edukietan?



Iturria: Ikusiker Applika +

Nola aipatu txosten hau:

NOR Ikerketa Taldea (2021). "Sortzaileak: Twitter". Ikusiker Unibertsitatea Panelaren 22. Txostena. 2021eko maiatza. Applika Ikerketa-proiektua (US17/40). UPV/EHU. <http://www.ikusiker.eus>